



# صباح الخير

صباح الخير يا بلادي

صباح الخير

صباح الورد هالمالي السما بزاهر وزهير

صباح الحب هالمفتوح مثل الروح

وين ما يمضي والا يروح

ما يزرع سوى كل خير

صباح الطير

طالع من دفا عشه

وراجع يبغي يريق له امية طير

عدد ما تنفست الاكوان

وعدد ما ترقص الالوان

لكل انسان في العالم

صباح الخير

صباح الخير يا بحرین

يا معنی الوجود الحر

في فجر الهوى اللي كان

او بيكون

ويا الروح متوالم

عليه الشواقوي



# غصن الود

بعد القلوب اشد من بعد الاجسام  
مادام غصن الود طارت رفوفه  
كم شخص نشوفه من العام للعام  
اقرب من اللي كل يوم نشوفه  
الادمي تقوده ظرووف واحكام  
وماكل واحد يخدمه ظرووفه  
نطرد وري سرب الاماني والاحلام  
وياالله عسى بعض الامور مخلوفه  
لو يكشف الواحد صناديق الايام  
ماكان خضب بالاماني كفوفه  
العمر يمضي والتجارب له حزام  
والشيب يضرب الانسان دقوفه  
كم واحد غافل وهو يلبس (احرام)  
مايدري احرامه موته (بروفه)  
طول الامل كفاه تالوح لقدام  
والنفس لعانق هواها شغوفه  
والضيق يتسلل على روس الاقدام  
لاحساس من شعره على اسوار جوفه  
ياصدري اصبر وانت في بهوك اقسام  
من المواجه غير نفسك عيوفه  
لا تنحني لوكانت عروقك حيام  
وعذوق (لينة) ما بذرت مخروفيه  
صدر السما ما ثقله كثر الاجرام  
واللي تهافت ما عليها حسوفه  
ضيواف قلبي (تغرف) عذوده آلام  
وعلى الزمن ياكبر شرهه ضيوفه  
ما بين قام الحظ ، والحظ ما قام  
الحزن رتب بالحنايا صفوفه  
يحطيني (بفاسه) ويتركني حطام  
باسباب معروفه وغير معروفه  
وانا ما غير اميم واتشجر هيام  
وانمر قصيد يا نعات حروفه

عطا الله ممدوح

